

Svar

dómsmálaráðherra við fyrirspurn frá Olgu Margréti Cilia um óinnheimtar sektir í vararefsingarferli.

Ráðuneytið óskaði eftir upplýsingum frá Fangelsismálastofnun ríkisins og Innheimtumiðstöð sekta og sakarkostnaðar vegna fyrirspurnarinnar. Svör ráðuneytisins byggjast að öllu leyti á þeim svörum sem bárust.

1. *Hversu margir einstaklingar hafa afþlánað fangelsisrefsingu sem vararefsingu vegna óinnheimtra sekta, sundurlíðað eftir árum frá því 2013?*

	2013	2014	2015	2016	2017
Hófu samfélagsþjónustu í stað vararefsingar	78	128	139	143	102
Hófu afplánun innan eða utan fangelsa	63	36	32	21	39
	141	164	171	164	141

2. *Hversu margir bíða eftir að hefja afplánun fangelsisrefsingar sem vararefsingar vegna óinnheimtra sekta?*

Hinn 12. janúar í vetrur hafði 3.052 einstaklingum verið birt ákvörðun um að þeir ættu að mæta til afplánunar vararefsingar í fangelsi. Þar af hafa 569 einstaklingar sótt um að afplána vararefsingu með samfélagsþjónustu, 286 umsóknir hafa verið samþykktar, 179 umsóknum hefur verið synjað og 61 einstaklingur hefur rofið skilyrði. Samkvæmt framangreindu má því segja að 2.827 einstaklingar séu að bíða afplánunar fangelsisrefsingar sem vararefsingar vegna óinnheimtra sekta.

3. *Hver er meðalfjárhæð sektar þeirra sem bíða eftir að hefja afplánun fangelsisrefsingar sem vararefsingar vegna óinnheimtra sekta?*

Meðalfjárhæð sektar þeirra sem bíða eftir að hefja afplánun fangelsisrefsingar sem vararefsingar vegna óinnheimtra sekta er um 600.000 kr. Taka verður þessari meðalfjárhæð með fyrirvara þar sem fáar en mjög háar sektir hafa mikil áhrif. Má í því sambandi nefna að hæsta sektin til innheimtu er 153.500.000 kr. og sektir yfir 10.000.000 kr. mynda 78% af heildarfjárhæð allra óinnheimtra sekta.

4. *Hver er meðalfjárhæð sektar þeirra sem hafa afþlánað fangelsisrefsingu sem vararefsingu vegna óinnheimtra sekta frá því 2013?*

Þau kerfi sem unnið er með halda ekki utan um lokin mál með sama hætti og opin mál. Þetta hefur í för með sér að það er erfiðleikum bundið að taka út heildarfjárhæð lokinna mála og deila með fjölda þeirra til að fá meðalfjárhæð. Hér er einvörðungu spurt um þau mál sem lokið hefur verið með afplánun í fangelsi en hafa verður í huga að málum lýkur einnig með samfélagsþjónustu.

5. *Hversu miklar sektir hafa fallið niður þar sem ekki hefur verið hægt að hefja afþlánun vararefsingar tímanlega frá því 2013? Í svari er óskað eftir upplýsingum um fjölda sekt- argerða og heildarfjárhæð.*

Upplýsingar um þetta liggja ekki fyrir. Sektir eru afskrifaðar þegar þær eru fyrndar samkvæmt ákvæðum almennra hegningarlaga þar að lútandi, en ekki er gerður kerfislegur greinarmunur á því hvaða ferli sektirnar voru í við afskrift. Afskriftir áranna 2013–2017 voru eftifarandi:

2013	3% af heildarfjárhæð sekta
2014	4% af heildarfjárhæð sekta
2015	3% af heildarfjárhæð sekta
2016	2% af heildarfjárhæð sekta
2017	1% af heildarfjárhæð sekta

Þess skal getið að sektir eru einnig afskrifaðar við andlát sektarþola og að liðnum tveimur árum frá skiptalokum hafi sekt átt undir gjaldþrotaskipti.